

**O avrikidņipen  
andro organi le samospravnone krajengere**

**Informacija vař o voliĉis**

**I**

Datumos the ĉasos, kana o avrikidņipen aĉhel

O avrikidņipen andro organi le samospravnone krajengere aĉhel

**sombatone andro d'ives 4. novembris 2017 le 7:00 orendar dži 22:00 ori**

**II**

O ĉaĉipen te kidel avri

O ĉaĉipen kaj te kidel avri andro organi le samospravnone krajengere hin le obĉanos la Slovenskona republikakero the le avrethemeskeres, so les hin permanentno beřiben andro foros gav, so perel andre le samospravnone krajoskeri phuv (ŭzemie samosprávného kraja), abo saves hin permanentno beřiben andro slugadźengero obvododos, so perel vař e chasna le avrikidņipnaskeri andro organi le samospravnone krajoskere andre leskeri phuv (ŭzemie) (dureder ĉa "le samospravnone krajoskero beřutno") u najnasigeder andro d'ives, kana o avrikidņipen aĉhel, dochudela 18 berř.

Kana le dźenes nane ĉaĉipen kaj te kidel avri:

- te leskeri osobno sloboda hiņi odcirdli le zakonostar, bo kampil te arakhel o sakonedźenengero (verejno) sastipen,
- te o dźeno hin andre bertena, bo kerďa varesavo igen baro phujiben.

**III**

O ĉaĉipen te aĉhel avrikidno

Sar biĉhado vař le samospravnone krajoskero aĉhadipen řaj aĉhel avrikidno o beřutno, so les hin permanentno beřiben andro foros gav abo andro slugadźengero obvododos, so perel andre phuv (ŭzemie) le avrikidņipnaskere obvodoskero, andre savo jov kandidinel, u najnasigeder andro d'ives, kana o avrikidņipen aĉhel, dochudela 18 berř.

Sar le samospravnone krajoskero predsedas řaj aĉhel avrikidno o krajoskero beřutno, savo najnasigeder andro d'ives, kana o avrikidņipen aĉhel, dochudela 25 berř.

Kana le dźenes nane ĉaĉipen, kaj te aĉhel avrikidno:

- kana o dźeno hin andre bertena (ov chudņa ajso trestos, hoj leske odile leskeri sloboda),
- o dźeno aĉhil'a pravomocnones odsudzimen vař oda, hoj dźanindos kerďa varesavo trestno keriben, te kada, hoj les odsudzinde, na aĉhil'a zauĉhardo,
- le dźeneske odcirdle e zor kaj te te kerel pravna keribena.

**IV**

Sar te del hlasos

O voliĉis řaj kidel avri ĉa andro foros gav, kaj permanentnones beřel, andro avrikidņipnaskero okrskos, kaj hino zapisimen andre le voliĉengero soznamos.

O voliĉis musaj, kana avel andro avrikidņipnaskero kher, te presikhavel la okrskovona komisijake leskeri identita pal kada, hoj anglethovel leskero obĉiansko preukazis abo o doklados pal o beřiben vař o avrethemeskero.

Palis e okrskovo avrikidņipnaskeri komisija zakerekinela le voliĉeskero řorakero numeros andre le voliĉengero soznamos the dela avri le voliĉes duj avrikidņipnaskere kartki - e

avrikidñipnaskeri kartka vaš o avrikidñipen andro ačhad'ipen the e avrikidñipnaskeri kartka vaš o avrikidñipen le predsedaskero le samospravnone krajaskero the čuč'i kopertka, pre savi hiñi uradno pečiatka le foroskeri gaveskeri (le foroskeri abo le foroskere kotoreskeri pečiatka). **O voličis potvrdzinel, hoj reš'as o avrikidñipnaskere kartki andre le voličengero soznamos leskere vlastnovasteskere podpisoha.**

Sako voličis musaj anglo avrikidñipen te džal andro osobitno than, kaj pes pririchtinen o avrikidñipnaskere kartki. Le voličiske, so na džala andro osobitno than, kaj pes prikeren o avrikidñipnaskere kartki, e okrskovo avrikidñipnaskeri komisija nadomukhela te del hlasos.

**Pre avrikidñipnaskeri kartka vaš o avrikidñipen andro ačhad'ipen šaj o voličis zakerekinel najbuter ajci šoroskere čisli le kandidatengere, keci bičhade hin te ačhel avrikidne andro prislušno avrikidñipnaskero obvodod.** (Keci bičhade pes kiden avri andro avrikidñipnaskero obvodod, hin pisimen pre avrikidñipnaskeri kartka.)

**Pre avrikidñipnaskeri kartka vaš le predsedaskero avrikidñipen šaj o voličis zakerekinel o šoroskero čislos ča jekhe kandidataskero.**

Andro osobitno than, kaj o avrikidñipnaskere kartki pes prikeren, thovel o voličis andre kopertka jekh avrikidñipnaskeri kartka vaš o avrikidñipen andro ačhad'ipen the jekh avrikidñipnaskeri kartka vaš o avrikidñipen le predsedaskero le samospravnone krajaskero. O voličis del hlasos avka, hoj pal'is, sar mukhela o osobitno than, kaj o avrikidñipnaskere kartki pes prikeren, thovela e kopertka andre avrikidñipnaskeri baksica.

Kana o voličis kada mangel, e okrskovo avrikidñipnaskeri komisija les dela avri vaš o namištes prikerde avrikidñipnaskere kartki aver avrikidñipnaskere kartki. O voličis thovel o namištes prikerde avrikidñipnaskere kartki andre baksica, kaj pes thoven o nachasňarde abo namištes prikerde avrikidñipnaskere kartki.

O voličis, so na birinel korkoro te prikerel e avrikidñipnaskeri kartka, bo nane sasto abo vašoda, hoj na šaj genel abo pisinel, del te džanel kada la okrskovona avrikidñipnaskera komisijake. Les hin o čačipen kaj te lel peha andro than, kaj pes prikeren o avrikidñipnaskere kartki, aver sposobilo dženo, kaj kada dženo te prikerel e avrikidñipnaskeri kartka avka, sar o voličis kamel u sar kada kampil te kerel pal o zakonos, the te thovel e kartka andre kopertka. Angloda, sar soduj džene džana andro osobitno than, kaj pes prikeren o avrikidñipnaskere kartki, o členos la okrskovona avrikidñipnaskera komisijatar len dela god'i pal kada, sar kampil te del o hlasos the pal e skutkovo podstata le trestnone keribnaskeri, so kerel kada dženo, so mosarel o kisit'imen the o prenašad'ipen le avrikidñipnaskero (příprava a priebch volieb). La okrskovona komisijakere členi naš'ri prikeren o avrikidñipnaskere kartki vaš o voliči.

O voličis, so na birinel korkoro te thovel e kopertka andre avrikidñipnaskeri baksica, bo hino nasvalo, šaj mangel, kaj varesavo aver dženo thovel e kopertka andre avrikidñipnaskeri baksica. O voličis musaj te jel pritomno paš oda, kana o aver dženo kada kerel. Le členenge la avrikidñipnaskera komisijatar aľe nane domukhlo kada te kerel.

Le voličis, so našti avel andro avrikidñipnaskeri kher, bo les hin bare, perše sast'ipnaskere dovody, hin o čačipen te mangel o foros gav the andro d'ives, kana ačhel o avrikidñipen, e okrskovo avrikidñipnaskeri komisija, kaj te šaj del hlasos andre hordind'i avrikidñipnaskeri baksica. Kada aľe šaj ča andro phuvakero (uzemno) obvodod, andro savo hin o avrikidñipnaskero okrskos, so vaš leske e okrskovo avrikidñipnaskeri komisija kerd'il'as.

**O voličis musaj te odthovel o nachasňarde abo namištes prikerde avrikidñipnaskere kartki andre zapečat'eno baksica, kaj pes o nachasňarde abo namištes prikerde avrikidñipnaskere kartki odthoven, avreder jov kerela prestupkos u resela pokuta 33 euri.**